

80 000 pertsona bildu dira Baionan eta Bilbon, « historia errepika ez dadin, orain presoak » lemapean, Emmanuel Macron eta Pedro Sanchez-i deia luzatzeko Euskal Herriko bakearen alde

10 000 pertsona bildu dira Baionan, Bakearen Artisauak eta Bake Bideak deiturik, Euskal Herriko delegazioaren eta gobernuaren artean ireki den eztabaida gunearen baitan, bakearen alde egin dezan eskatzeko Frantziako gobernuari.

Duela urte bateko mobilizazio azkarrari esker, eztabaida berrabiatzea lortu zen eta urrats garrantzitsuak eman dira 2019ko urtean zehar. Presoen hurbilketari esker eta Bereziki Zainduriko Presoen estatutua kentzea lorturik ere, lehen fasearen bukaerara, hots, salbuespeneko neurrien bukaerara iristen ari gara.

Gaur egun 242 preso dira orotara, horietan 34 emazte. 206 Espainian kartzelatuak dira, horietan 5 hego Euskal Herrian, eta 36 Frantzian. 39 preso 60 urtetik gorakoak dira. Lauk, 30 urtetik gora daramatzate preso.

Eta berri bat ireki behar da, ez da bake prozesu iraunkorrik presoek kartzelan dirauteno. Munduan zehar ezagutu diren bake prozesu guztietan, presoak kalera ateratzea lortu da prozedura berriztatzaileei esker. Zentzu horretan, justizia trantsizional gisako bat ezarri behar litzateke plantan Euskal Herriarentzat ere, biktima guztiek justizia, egia eta erreparaziorako duten eskubidea bermatua izan dadin, historia errepika ez dadin.

Ezinbestekoa da beraz bigarren etapa hori irekitzea.

Hain zuzen, ministerio publikoaren jarrera, lurralde oso batek bakerako duen gogoaren kontrakoa da. Iragana errepikatuko ez dela bermatuko duen egoera politiko berria ukatzea da. Onartezina da, Euskal Herriko testuinguru politiko berria kontutan hartzen hasi diren epaile batzuen erabakiak ministerio publikoak kokolan ezartzea. 4 presok 30garren urtea beteko dute kartzelan heldu den apirilean. Unai Parot Espainian, eta Jon Parot, Jakes Esnal eta Xistor Haranburu. Badira 10 urte azken hiru hauek bete beharreko segurtasun epea betea dutela eta ministerio publikoak gaur egun oraindik sistematikoki ukatzen die baldintzapeko askatasuna.

Manifestaldi hontan parte hartzen duen gehiengoak bat egiten du etapa berri bat irekitzearen aldarriarekin, kartzelari alternatiba berri gisa.

Mobilizazio haundi honek Euskal Elkargoaren erabateko sustengua jaso du (158 herri biltzen dituen), bai eta Euskal Herriko merkatal eta industria ganberarena eta André Garreta presidentearena, eta hamarnaka alderdi politiko eta elkarterena.

Manifestaldia arratsaldeko 3etan abiatu da, manifestazio buru zirelarik : 18 joaldun eta 15 traktore.

Lehen oihal bat eraman dute euskal preso politikoen familiek « maintenant les prisonnier.e.s !, Orain Presoak ! » lemarekin.

Bigarren banderola gazteek eraman dute, « Ez dezagun historia errepika » lemapean (2019/05/17an Emmanuel Macron Frantziako presidentek Biarritzen egin adierazpenak). Gazteak Euskal Herriko belaunaldi berrien ordezkari dira, Historia errepikatzea nahi ez duten gazteak. Etorkizun hurbila eraikiko duten gazteak dira eta bake justu eta iraunkor bat nahi dute, jendarte sosegatu batekin.

Gibeleetik joan dira euskal jendarteko ordezkariak, makila eskuan :

- Pariseko ordezkariarekin hitz egiten duen Euskal Herriko ordezkariak : Anaiz Funosas, Bake Bideako presidentea ; Jean René Etchegaray, Baionako auzapeza eta Euskal Elkargoko presidentea ; Vincent Bru, LREM diputatua ; Mixel Berhocoirigoin, bakearen artisaia).
- Parlamentariak : Max Brisson, LR senataria ; Frédérique Espagnac, PS senataria ;

- Euskal Elkargoko exekutiboko kideak.

Euskal Herriko 300 bat hautetsi eta jendarte zibileko ordezkari ziren bertan, horietan auzapez eta arduradunak baina ere, apez, sindikalista, eta Modem, UDI, Europe Écologies les Verts, Alderdi Sozialista, EAJ, EHBAI, EH BILDU, zein Générations-eko ordezkari politikoak.

Azkenik, Jende uholdea, Euskal Herriko milaka herritarrek osatua Baionako karrikak zeharkatu dituen Santa Izpiritu zubiruntz ; hain zen handia uholdea, manifestaldiaren hasiera Errepublikako plazara iritsi denean azkenak oraindik herriko etxean zirela.

Bukaerako ekimena bi hitz hartzeren inguruan egin da.

Kotte Ecenarro, Hendaiko auzapeza eta Euskal Elkargoko presidente ordeak eta Maider Behoteguy, Euskal Elkargoko presidente ordeak izan dira adierazpenak egiten lehenak Euskal Elkargoko kide gisa :

Maider Behoteguy-k ondokoa adierazi du : « Baionan gura gaur, ministerio publikoaren jarrerari gure haserrea adierazteko eta gobernuaren aldetik jarrera aldaketa eskatzeko. Lurralde baten bakerako borondateak gaina hartu behar dio, mendeku eta iraganen egoteko tentazioari! »

Kotte Ecenarro-k segitu du « Gaur Baionan, hau adierazten diogu Macron Presidenteari : « hitza hitz ! Ez dezagun historia errepika ! ». Hitzetatik ekintzetara pasatzeko garaia da.

Gaur hemen, Baionan, Bilbon bezala, haserre bera adierazten dugu, deliberamendu eta anbizio berarekin. Gure herriak gehiegi sufritu du gatazkaren ondorioengatik. Urrats berak eman nahi ditugu bake prozesu berarentzat. Frantzia, gure mezua Emmanuel Macroni zuzendua zaio. EZ DEZAGUN HISTORIA ERREPIKA, ORAIN PRESOAK ! »

Anaiz Funosas, Bake Bideko presidenteariak eta Michel Berhocoirigoin, bakearen artisauek, manifestaldian parte hartu duen jendearen eta Euskal Herriko gehiengo politiko eta sozialaren eskariak mahai gainerratu dituzte :

Anaiz Funosas-ek ondokoa azpimarratu du : « Unai Parot Espainian eta Jon Parot, Jakes Esnal eta Xistor Haranburu. Azken hiruek duela 10 urte bete zuten bete beharreko segurtasuneko zigorra. Kartzelan atxikitzea zentzugabeko mehatxua da, engaiamendu ezberdineko jendearen artean sortzen ari den orekarentzat. Pertsona hauek kartzelan atxikitzea heriotz zigorrera kondenatzea litzateke. Eta hala adierazten ez bada ere, errealitatea izan daiteke. Etxean eta bizirik nahi ditugu ! Eta horretarako borrokatuko gura ! ».

Michel Berhocoirigoin-ek segitu du :

« Bukatzeko gure engaiamenduaren oinarria berretsi nahi dugu : bake prozesua elikatzea eta konponbide integral eta orokor bat atxematea presoan gaiari, ez da biktimei kalte egitea. Ez da posible iraganeko sufri-mendua bakearen bidearentzat oztopo izatea. Biktimak errespetatzeko modu hobereana, historia errepika ez dadin gaur egun egin daiteken guztia egitea da ».

Bukatzeko, antolatzaileek parte hartzaile guztiak eskertu dituzte, mugimenduaren indarraren adierazle den aniztasuna azpimarratuz : « denen artean, prozesuaren motorra osatzen dugu ! ».

Bukaeran irrintzia bota da eta jende uholdeak makila altxa du, lurraldearen deliberamenduaren seinale. Irrintzia berriz hartua izan da une berean Bilbon ere, hango manifestaldiari hasiera emanaz. Manifestaldia, gatazkaren bi biktimen hitzartzearekin bururatu da, ETAREN biktima batekin eta GALen biktima batekin : Rosa Rodero, Joseba Goikoetxea senarra, Ertzainburua ETAK erail zuena eta eta Asun Lasa, anaia GALeko komando batek erail zuena. Biek hurbilekoren bat galdu eta sufritu dute baina konbentzituak dira « gorrotoa eta mendeku gogoa ez datozela bat elkar bizitzarekin ». « Ahanzten ez duen eta gorrotorik gabe » aitzinatu nahi duen jendarte baten eraikuntzan parte hartu nahi dute. Beren izenean hitza hartu dutela adierazten dute, alderdikieretatik at. « Giza eskubideen errespetua » aldarrikatzen dute euskal gatazkaren biktima eta preso guztientzat.

Hitz azkarrak izan dira beren engaiamenduaren seinale :

« Horregatik eskatzen dugu espetxeetako onuren kudeaketan diskriminaziorik ez izateko, presoak Euskal Herrira hurbiltzeko, gaixotasun larriak dituzten presoak eta adineko presoak askatzeko, graduz aldatzeko aukera izatea, kondena bideak berrikusteko... »

« Azkenik, gogoratu nahi dugu gaur Bilboko kaleetan elkartu diren milaka eta milaka euskal herritarrek babestu dutena euskal erakundeetan ere babestu dela : Gasteizko eta Iruneako parlamentuetan, batzar nagusietan eta udal askotan. Babes zabal horretan oinarrituta, irmo esan dezakegu Estatuak ez daukala arazo bat jada deseginda dagoen erakunde batekin. Estatuak arazoa eskubideak urratzearen kontra dagoen gizartearen gehiengoarekin du ».

Nota : Argazkiak erabilgarri dira